

Kidja nanagakotc awik koni kidja wabidigewin kagi kijendimin kozabidjigini kak



Megwatc kakina awik okitkimik aji eh-kishka wabidigetc kina kegoni kozabidjiginikak, nandah anishnabek mamowi odinishnabemyan, odabidjitonawa kozabidjigini kidja wabidigewatc koni kidja adwawehyatc kagi kijendimowatc. Eh ija minowashinik. Abidjitowin yedi kozabidjigan, kinowe maneh kidi-ija shebidon ka agashnojak koni ka mishak adawesidjigan SMEs mamowi anishnabek ka widoazowatc kidja gweshtowan kinoweh notc kidja misha-nik odadogomigok, kinoweh notc kida mino wichkiyemah kishpindjigewinik. Kinoweh maneh ana shebidowin, kinoweh kiyabitc kida ana maneh kidja sinigik. Megwatc kitcha minobidek kidodimitawin kozabidjiginikak, anishnabek mamowi odinishnabemyan panima SMEs, panima wibitc oga gwe ojtonawa adi koni agonen ima keh atowatc agwa awik kidja kimodimigwadjin koni agwa kidja wejinaginiyatc, kozabidjigini kak.



1. Pidigezinadin eh-jinkadek kididawagimigok, eh-ijinagok mamowi keh ijinkadek kozabidjiginikak (internet address ka ijinkadek) kin dish eh tibendimin

Nitim keh todimin kidja adaweheyn kozabidjiginikak. Ka widokak oda-kishkiton kidja pidigezinanik kozabidjigini kak anish panima kiga kishpindon kozabidjigeh nozowin mamowi kidja abijitowin kina ima ka wabidimin keh widokagowin, kidja kishka wabidigewin kagi kijendimin. Agwa kiga onikeh kidja mizinamin nozowinin kegon adaweheyn, agwa pejigon awik kidja abidjitok pejogon nozowini. Agwa eta kidadowgomigok odja, kida kishka abidjiton ima trademark ka ijinkadek kidja mizinamin kin eh tibendimin, koni adi eh-ijinkadegan kagi ojitowin koni kagi kijendimin. Nigodin yedi ki-minogowin, abidjiton. Manotc kida wabidjigadek ki-mizinigan kah mizinadek kin eh tibendimin, koni agonen ka adawesidowin, adidik got keh ija adaweyin (®, TM koni ahyi pejigon kegat ka ijinagok koni ka ikwak) ka ikidinanok.

2. Abidjiton yedi copyright ka ijinkad jigadek koni kegon ojitowin kidja ikidowin kin kagi ojitowin koni kida-dowgomigok eh- adaweheyn, koni ki atowin kozabidjigini kak

Ishpin ki-ojsidowin kozabidjigini-kak kidja atek kida-dowgamigok, kida kishkiton kida agwa komodimigowin kagi kijendimin. Megwac wintcikeh pidigesehmigik agwa kidja kimodimigowin kego, panima misowac kiga pidigehzinadan kagi ojitowin mamowi kah ishpiziyac ka ojitowac kegoni. Pejigon anish, kagi atcigadek kidja wabidjigadek kozabidjiginikak, kegon ki-objibiyamin, mizinazowinik, ka mizinsek, migimon, mamowi ki kishigwadimin kegon, kida kishka kinendan copyright abidjitowin agwa kidja kimodimigowin kegon. Aton ima ki mizinigan ka ikidomigik kin eh-kinendimin yedi, kina gotc kozabidjiginikak kidja wabidjigadek (© objigan copyright ka ijinkadek koni ahyi pejigon kegat ka ijinagok koni ka ikwak) ka ijinkadegan. Pepejik gotc ija-aton copyright kigi nendasi mizinigan kimizinazowin kak kegon adaweheyn koni wabidigewin, kegon aton anamik kidja nagok kin eh tibendimin. Kawin atoken kegon eh-sinigik kidja wabidik awik kozabidjiginikak.

3. Kawin pigidiniken kegon adi ka odininim koni adi ka todimin kidja ojitowin yedi kidodimitawin koni kegon ki-kijendimin, kiga kimodimigo, kozabidjiginikak

Tedigo ashi wedin kida mikimin kegon kozabidjiginikak magonimin pejik kegon. Megwatc eh tigok tibakonigehwin kida-daweidjigan odja, tapishkot adi ka todimin kidja ojitowin yedi, anminigik ka iji sewin kegon kidja ojitowin yedi, kan wikat pigidiniken kegon ki-kijendimin, kidga kimodimigo. Tapishkot, kan wabidigehken adi ka todomin kidja ojitowin yedi anish tegotc wabidigen adi ka odisehmigik, adi ka ija kijendagok. Ishpin mankatc, giyendik ka kijigabidimowatc kid-dowgomigok kozabidjiginikak, koni odimtawinik, koni ka ankonotomak, panima oga kendanawa eh-pitendagonin ki-dodimitawin koni agwa kidja pigidinik kegoni, kidja onashtimak dish. Mamdinendin yedi kidja atowin awik anonitc agwa kidja pigidinik kina kidinabijitowin, agwendik gotc ke widokak.

4. Nakoton gotc eh-pitendagon kagi kijendimin koni kagi ojitowin

Aton ima atsokan kegon adaweheyn, widoko ka kishpindjigetc kidja wabidik eh-pitendagonik kagi ojitowin. Ishpin ima atowin atsokan kegon adaweheyn, kinoweh oga kendanawa ka kishpindjigewatc adi eh-pitendagonik anishnabe omidinendjigan koni eh-pitchi mishkwezimiginik odebwetomowin. Wedi wi-gweshtowin, kida kishka aton ima anishnabemowin, eh-ijinkadegan ka wabidigewin. kinoweh notc wibitc odamikanawa ishpin kiyabitc ndendimowatc yeni koni gotc eta winda kendimowatc notc. Oma dish wedi, miziginishkwemik kida kishka abidjiton eta kidja atowin opimenah ka ikidomigik agonen yedi ka wabidigewin.

5. Nanagidjiton wewenda ishpin kegon adaweheyn kozabidjiginikak, kawin kina kegon pigidiniken

Kin kidiyan eta kidja nanagidjitc awik agwa kidja midja abijitok ki-dodimitawini koni kegon ki-kijendimin. Ishpin ayamin kidja kipi yodizin, tibadjimon wabidigen, tapishkot, pinigotc gotc abidjitowin kiginendasin mizinigan. Wewenda nanagidjiton

kagi ojitowin, mamowi gotc kegon widokagowin kidja ojitowin, aton ima pinigotc kimizinigan kin eh-tibendimin kidodimitawin, kozabidjiginikak actic wewenda nanagidjiton. Anish misowatc kidodja misigidagon wedi kina kidja pidigesidowin kida kinendjigadek. Nandah awesh, panima teshigotc kida minibidon kozabidjiginikak ishpin wabidimin kegon agwa miyah ijinagok. Nanda kozabidjiginikak odiyana tikonenin kidja nangidjiticigadenik agwa kidja kimodimaginiyatc, takishka minibidjigade kidadawan.

6. Abidjiton yedi ka pigidinigadek kidja abijitowin kidja kinendimin wewenda kidodimitawin, mamowi gotc kodigik anishnabek ka odimtawatc

Misigidagon yedi enowek kidja atowin ima property ight ka ijinkadek, kidja ikidowin kin eh-tibendimin. Megwatc WIPO anishnabe midinendjigan abidik, kawin ogishtosinawa kidja widokwadjin kodigin awin, panima ima kida ijinjowa Anishnabe kak SMEs ka ijinkazowatx kidja widokotc pigi shonia ni mamowi, keh ija kishka widokwaginitc dish. Oma kidka ija mokowehma Anishnabe midinendjigan ka miyodok grtkf@wipo.int.

Ishpin kiyabitc winda kendimin adi keh ija widokagotc anishnabek SMEs mamowi odimtawinik oma inabin anamik.

Kinendin wewnda mamowin kidja wabidjigadek kididawan:

Kiga wabidigon wedi mizinigan adi ketodimibin kidja atowin ima kagi ojitowin kidja kinendagok wewenda kinah anishnabek odja

Kidja wabidjigadek kagi kijendamin koni kago ojitowin, odiminowin: Mamash kidja widokagowin

Odi kapi todimowatc ishkwiyak: Anishnabe kagi ojitok koni kagi kijendik

Kidja mizinamin, panima kiga tidadjimonin adi eh nabidik koni eh-pitendagok kagi ojitowin, ka agashnojak koni ka mishak adawesidjigin odja

Kitchi minowashin: Kidja wabidigehwin adi kah todinimin kidja kijindimin ka wabidigehwin, ka agashnojak koni ka mishak adawesidowin

Ka madawanagon kidoshtcigin: Kidja wabidigewin copy right ki-mizinigan mamowi related rights ka ijinkadjigadek, ka agashnijak koni ka ija mishak adawesdjiginini migwamik

Keh ojitowin odi nigan odja: Kidja nigansidowin kidja abidjitowin ka mizinakizigemigik, kidja nagok kin eh tibendimin, ka agashnijak koni ka mishak adawesdjiginini migwamik





World Intellectual Property Organization
34, chemin des Colombettes
P.O. Box 18
CH-1211 Geneva 20
Switzerland

Tel: +41 22 338 91 11
Fax: +41 22 733 54 28

To contact WIPO's External Offices
visit www.wipo.int/about-wipo/en/offices

© WIPO, 2022



Attribution 4.0 International (CC BY 4.0)

The CC license does not apply to non-WIPO content in this publication.

Cover: unsplash.com / © Oriento,
© Alice Pasqual, © Paul Zoetemeijer,
© Federico Beccari;
Getty Images / © Frans Lemmens

DOI: 10.34667/tind.46507